

Zajednička izjava ambasadora zemalja članica Upravnog odbora Vijeća za implementaciju mira



Ambasadori zemalja članica Upravnog odbora (UO) Vijeća za implementaciju mira (*Peace Implementation Council – PIC*) navode da se nedavnim objavljivanjem Izbornog zakona Republike Srpske i Zakona o referendumu i građanskoj inicijativi u Službenom glasniku Republike Srpske nastoje uzurpirati nadležnosti Centralne izborne komisije Bosne i Hercegovine (CIK BiH) i stvoriti paralelni zakonski okviri. Ovi zakoni, kao takvi, krše Izborni zakon Bosne i Hercegovine i predstavljaju rizik za provođenje predstojećih izbora. Međunarodna zajednica neće dozvoliti nikakvo podrivanje nadležnosti države kroz uspostavljanje paralelnog izbornog sistema u RS. Pozivamo relevantne političke subjekte da osiguraju zaštitu države podnošenjem zahtjeva za ocjenu usklađenosti ovih zakona sa ustavnim i pravnim poretком BiH.

Ambasadori UO PIC-a naglašavaju opasne i destabilizirajuće posljedice napada na Opći okvirni sporazum za mir u Bosni i Hercegovini i ustavno-pravni poredak Bosne i Hercegovine. Takvi napadi uključuju i zakonodavne i političke aktivnosti kojima se pokušavaju narušiti nadležnosti države. Upravni odbor podsjeća aktere da međunarodna zajednica zadržava neophodne instrumente da odgovori na ove aktivnosti i potpuno je ujedinjena u potrebi zaštite suvereniteta, teritorijalnog

integriteta i multietničkog karaktera ove zemlje.

Ambasadori UO PIC-a ponavljaju da entiteti unutar Bosne i Hercegovine nisu države. Oni postoje isključivo na osnovu Ustava Bosne i Hercegovine i nemaju sopstveni suverenitet. Suverenitet počiva na Bosni i Hercegovini kao jedinstvenoj državi, čiji je teritorijalni integritet zagarantovan Općim okvirnim sporazumom za mir. Opći okvirni sporazum za mir utvrđuje kontinuirano postojanje oba entiteta. Ambasadori UO PIC-a takođe odlučno odbacuju lažni narativ da je postojanje entiteta Republika Srpska ugroženo ili osporavano od strane bilo kojeg lokalnog ili međunarodnog subjekta.